

Պատմությունը տեղի է ունեցել Նիդեռլանդներում:

Մարին բացեց իր գարդառուփը՝ նայելու իր գեղեցիկ քարերին: Մեկ առ մեկ նա բռնեց դրանք իր ձեռքում: Կարմիրը, կանաչը, ապա՝ ճերմակը:

Տատիկը թակեց ննջասենյակի դուռը:

«Պատրա՞ստ ես գնալու»:

«Այո»: Մարին զգուշորեն քարերը նորից դրեց իր տուփի մեջ:

Տատիկը Մարին տանում էր գրադարան: Բայց ոչ միայն պարզապես գրքեր նայելու: Այնտեղ հատուկ քարերի ցուցադրություն կար: Մարին ոգևորված էր:

Երբ նրանք ավտոբուսով հասան գրադարան, Մարին ու տատիկը ներս մտան: Նրանք տեսան գեղեցիկ քարեր ներկայացնող բազմաթիվ սեղաններ: Մի քանիսը փայլուն և հարթ էին: Մյուսները հետաքրքիր ձևեր ունեին:

«Նայիր այս մեկին»: Տատիկը մատնացույց արեց մի մեծ բյուրեղ: Այն ամբողջությամբ պատված էր դուրս ցցված փոքրիկ կապույտ սուր ծայրերով:

Մեկ այլ սեղան ներկայացնում էր բազմաթիվ փոքրիկ, կլոր քարեր: Մարին նայում էր բոլոր գույներին: Ամենավերջում կար մի մանուշակագույն քար՝ փոքրիկ, փայլուն և հարթ:

Ես դեռ չունեմ մանուշակագույն քար, մտածեց Մարին: Դա կատարյալ կլիներ նրա հավաքածուի համար:

Մարին գաղտագողի նայեց շուրջը: Տատիկը մեկ այլ սեղանի մոտ էր: Մոտակայքում ոչ ոք չկար: Եվ ոչ ոք չէր էլ նկատելու այս փոքրիկ քարի բացակայությունը, այնպես չէ՞:

Մարին վերցրեց քարը և դրեց գրպանը:

Այդ գիշեր, մանուշակագույն քարը ապահով գարդերի տուփի մեջ դրած, Մարին անկողին մտավ:

«Պատրա՞ստ ես պատմություն ունկնդրելու»:
Հայրիկը նստեց մահճակալին և բացեց Ընկեր ամսագիրը:

Մարին կծկվեց իր ծածկոցների մեջ և լսեց: Պատմությունը մի տղայի մասին էր, որը զոջացել էր սխալ ընտրություն կատարելուց հետո:

Երբ հայրը կարդում էր, Մարին այնպիսի զգացողություն ունեցավ, կարծես ստամոքսում ինչ-որ բան էր գալարվում: Նա զլորվեց կողքի, ապա շրջեց բարձր: Սակայն իրեն լավ չէր զգում: Եվ նա չէր դադարում մտածել մանուշակագույն քարի մասին:

Հայրիկն ավարտեց պատմությունը: «Լա՞վ ես»:

Մարին չգիտեր ինչ անել: Եթե նա ասեր հայրիկին, վերջինս գուցե բարկանար:

Իսկ գուցե նա իմանար, թե ինչպես օգնել: Մարին դանդաղ դուրս սողաց անկողնուց և իր տուփից հանեց մանուշակագույն քարը: «Այսօր ես վերցրի այս քարը գրադարանից»: Արցունքներ հոսեցին Մարիի աչքերից: «Ես իսկապես զոջում եմ»:

Հայրը գրկեց նրան: «Դու միշտ կարող ես հանգիստ ինձ ասել ճշմարտությունը: Ես հպարտ եմ քեզնով, որ ազնիվ լինելու քաջություն ունեցար»:

Մարիի փորիկում ամեն բան շտկվեց: Հայրիկը չբարկացավ:

«Եվ Հիսուսի շնորհիվ մենք կարող ենք ապաշխարել: Ճիշտ, ինչպես պատմության մեջ էր», - ասաց նա: «Ինչո՞ւ մենք քարը հետ չտանենք գրադարան»:

Մարին ամուր փակեց աչքերը: «Ոչ: Նրանք կբարկանան»:



Փայլուն մանուշակագույն քարը

Եթե նա ճշմարտությունն ասեր, հայրը կբարկանա՞ր նրա վրա:



ՆԱԽԽԵՐԸ՝ ԲԵԹԻ ՈՒՎԱՐ